

施南府志卷之五

知施南府事王協夢監修

建置

城池關隘

易稱設險傳譏不備城池之於守國尙矣施在前代爲州爲郡廢置不常治所亦屢遷焉勝國以一衛控諸土司勢頗孤危爰及我

朝諸土司呈請歸流遂立府分縣治同內地而城池鞏固門關息警蓋隱然上游一重鎮矣志城池

施南府志

卷之五

建置

一

而關隘附焉

施南府

恩施縣

附郭

宋史理宗本紀淳祐三年五月庚子詔施州創築土城及關隘六十餘所本州將士及忠州戍卒執役三年者各補轉一官按宋舊城卽今象牙山及瑞獅巖因山爲之元仍其舊明洪武十四年指揮使朱永拓址甃石周九里有奇高三丈五尺東北臨清江西南環溪水皆天然城塹上設串樓警鋪女牆爲門四東

曰清江南曰南陽西曰西順北曰拱北旋圮
國朝乾隆二十六年興修二十八年工竣三十七年復
詳驗重修周五里七分有奇崇二丈四尺五寸門四
東曰迎恩南曰朝陽西曰金華北曰拱辰歲久間有
傾圮歷任府縣隨時勸捐補甃道光五年署知府孫
仲清捐廉倡率士民捐資重建西北兩樓補修西北
隅傾圮數處甃砌四周女牆有碑載藝文志道光十
一年大水冲塌東南數處署恩施令妣朝綰捐廉補
修勸諭邑監生康光遠捐錢貳伯千助修

施南府志

卷之五

建置

二

宣恩縣

舊爲施南司地改設後未經詳請建城
來鳳縣

設縣時勘定城基周三里三分嗣因土性鬆浮詳議
停修嘉慶元年教匪滋擾焚掠縣治嘉慶八年邑令
朱鳴鳳勸諭士民捐建土城外石內土門四東曰廣
仁南曰敦化西曰崇義北曰承恩城高一丈二尺脚
厚一丈四尺上厚七尺高一丈七尺

咸豐縣

舊爲大田所城周五百丈有奇崇二丈門四明洪武二十三年千戶鄭瑜甃今圯乾隆二十六年估定城基周三里三分後因地勢險要未建嘉慶元年教匪蠢動邑令康又民倡築土城

利川縣

設縣時勘定城基周三里三分嗣因僻在山區未建嘉慶元年教匪滋擾邑令陳春波倡築土城道光元年邑令王星榆重修

建始縣

施南府志

卷之五

建置

三

城周三里崇一丈二尺門四東曰添祿南曰望陽西曰聳基北曰崇碧外環以濠明正德七年夔州府知府吳潛因土城甃石今圯因係偏隅詳准停修

關隘

施南府

恩施縣

五峰關在城東二里五峰山下

勝水關在城東

崔家壩在城東一百二十里

戎角村在城東一百二十里其山四面皆懸崖絕壁
惟一徑可上

暗利砦在縣南一百五十里

歌羅砦在縣南宋史施州清江縣有歌羅永寧細沙
寧邊尖水夷平六砦方輿勝覽歌羅本夜郎縣故地
唐置珍州乾德四年蠻酋珍州刺史田景遷內附納
土以酉江爲界自是酉陽以北夜郎縣故地盡入施
州按宣恩令蘇公於洛作李太白祠記云歌羅卽高
羅司高羅地有珍山州因以名實無確據詳見夜郎

施南府志

卷之五

建置

四

考

老鷹隘在城西

木貢在城北一百里

石乳關在城西北一百七十里石乳山上三國時吳
蜀分界處武侯曾至焉今俗呼十二關

宣恩縣

東鄉鎮在縣東五十里

獅子關在縣東鄉

東門關在縣南東門山上

乾壩在縣南一百四十里

小關在縣西五十里

土地關在忠建忠崗路

勝水關在忠建

虎城關在忠建

野熊關在忠建

野牛關在忠建

水心砦在水心山下

懷來崗隘明初藍玉引兵至此受南蠻款附因名

施南府志

卷之五

建置

五

覃山砦

七女柵

來鳳縣

散毛關在縣東南十五里本名師壁崗元至元中置

神壁崗宣慰司尋改宣撫司領師壁鎮撫所師羅千

戶所至正中又立長官司四巡檢司七明初復廢爲

師壁崗今改爲散毛關

界址溝在縣南一百六十里

卯崗在縣西南一百二十里

梅子嶺在縣西南二百一十里

野貓關在縣西一百里大旺喇叭洞路口

咸豐縣

土老坪在縣南

水車坪在縣西南

張家坪在縣西南六十五里

二仙巖在縣西南一百四十里接四川黔江縣界壁立數十丈巖頂方廣四十餘里

梅子坪在縣西南三十里

施南府志

卷之五

建置

六

深溪關在縣西達酉陽路口

活龍坪在縣西北一百八十里接利川縣界

石牙關在縣西北與四川彭水縣接界

利川縣

兩界關在縣東九十五里前令陳春波題云鳥道千尋盤峻嶺螺峰兩面夾雄關

忠路鋪在縣南一百三十里

關口城在縣南一百四十里

建南鎮在縣西一百六十里

掛子山在縣西二百二十五里與四川酆都縣接界
有碑記載藝文志

長堰塘在縣西北四十里

金子關在縣北四十里

南坪在縣北六十里

梅子關在七藥山上

建始縣

野三關在縣東一百二十里

石門關在縣東一百三十里

施南府志

卷之五

建置

七

建陽關在縣南二里

耳石關在縣西北四十里

三角椿在縣西北八十五里入夔大道建始奉節巫

山三縣分界處石筍三各識其一險亞石門

大岩嶺在縣北一百二十里

施南府志卷之五終